

Den Edlen / Ehrvesten /

Frommen / Ehrsamten vnd Weissen Herrn /
Burgermeister / Richter vnd Rath / der Fürstlichen Haupt-
statt Grätz in Steyrmarch / Meinen gnädigen vnd
Gebietunden lieben Herrn.




Die / Ehr- vnd Beste / fürneme / vnd Weise Herrn. Nach-

dem ewer Landtsfürst vnd
Herz / der Durchleuchtigist /
Hochgebornist Fürst vnd
Herz / Herz CAROLVS,
Erzherzog zu Oesterreich /
Burgundt / Steyer / Kärn-

ten vnd Graun / Graff zu Tirol / Zill / vnd Görz / ic. durch
schickung GOTTES des Allmechtigen / zu dem stand der
heiligen Christlichen Ehe / gnedigist / wie einem Hochlöblichen
Fürsten des hochlöblichsten Haus Oesterreichs / wol gebürt /
gegrieffen / vnd solchen seinen Christlichen vnd Fürstlichen
Benlag oder Hochzeit / zu Wienn in Oesterreich / in der
Kaiserlichen Burgt oder Hoff / Stadlburt genant / Christ-
lich / Fürstlich / vnd Hochlöblich verrichtet / Hab ich nicht
umbgehen können / was sich die zeit der Hochzeit / Es sey

A 2 Einritt /





Einritt / Empfängnis / Thurnier / Schanckung / Thants /
 vnd amndere Hochlöbliche Fürstliche Zier vnd Ritterspiel /
 verlauffen hat / vnterthänigist vñ gehorsamist zu beschreiben.
 Der Röm. Kayser. Maiest. ic. dem Breutigam höchst
 gedachtem Erzherzog Carl / ic. Ewerm gnedigsten Herren /
 seiner liebsten Braut / auch auß Fürstlichem Stammen ge-
 boren / Ihrer bender Freundschaft / vnd anderen beywesen-
 den / vnd der Chur vnd Fürsten abwesenden Gesandten /
 der Kayserlichen Statt Wien / zu den höchsten Ehren /
 in Teutsche Garmina zu verfassen / vnd so viel mir möglich
 gewesen / vnderthänigist vñd gehorsamist vollendet / hab
 ich solches nur schlecht vnd einfeltig zu schreiben nicht ver-
 terlassen können / Ewer Ehrvest vnterthänigist zu ober-
 antworten / mit vnterthänigister Bitt / Ewer Ehrvest vnd
 Weisheit / wölle solches genedig von mir als von einem
 schlechten einfältigen Poeten annehmen / wo ich solches
 mit gehorsamem Dienst beschulden künde / wolt ich
 mich allzeit willig vnd bereidt finden
 lassen.

E. E.

williger

gehorsamer

Heinrich Wirrich.

